

靈寶无量度人上品妙經卷之二十五 五

赤符丹光品

道言昔於絳霄天中丹景清真大玄明土受元始度人赤符丹光无量上品

元始天尊當說是經周回十過以召十方始

當詣度天真大神赤靈丈人三氣天君丹光九仙上聖高尊妙行真人無鞅數眾乘空而來玉緯飛輪羽葆交陰太霄騰晶八素流光

璇極珠躡煥赫元綱五夜三清四境无量諸天上極大羅下通黃闕各現赤混開劫

飛霄寶符丹霞光散照映八門一國地土山川林木緬平一等無復高下土皆作紋玉凝

輝瑩微無有異色眾真環侍元始天尊侍駕空浮九龍陽燄神金萬變法

輅之上說經一遍諸天大聖同時稱善是時

一國男女仰聽聖教默悟重玄說經二通天

光內發照朗昏冥說經三通神氣合混萬景

生津說經四通虛明曠達觀見十方說經五

通赤符丹光現於身中說經六遍生道交會

疾瀉獨消說經七通北野暗域報對休停說

經八通金簡書功玉符定籍三官告命形化飛仙說經九過法露珠英潤澤一切說經十通十方三界无極幽闕无量群生通運離苦是時一國是男是女莫不傾心皆受護度咸得長生

道言是時元始天尊說經一遍東方无極无量品寶生大神无鞅之眾浮空而至說經二

遍南方无極无量品洞浮大神无鞅之眾浮空而至說經三遍西方无極无量品耀明大

神无鞅之眾浮空而至說經四遍北方无極无量品太一大神无鞅之眾浮空而至說經

五遍東北无極无量品保安大神无鞅之眾浮空而至說經六遍東南无極无量品持化

大神无鞅之眾浮空而至說經七遍西南无極无量品玉靈大神无鞅之眾浮空而至說

經八遍西北无極无量品飛霞大神无鞅之眾浮空而至說經九遍上方无極无量品大

變大神无鞅之眾浮空而至說經十遍下方无極无量品冲厚大神无鞅之眾浮空而至

十通周竟十方赤符丹光大神一時同至一

國男女傾心歸仰皆見赤文大字遍滿虛廓丹光洞照十方同明內見自己身中心通萬道外與法合即名赤符見察萬殊異體同照即名丹光內外之道皆是元始外生天地內化一身皆同此道自非列聖開教不能化成

譬如混沌初造終始九劫若非赤明不能開圖一身始生毛髮肢節九竅雖具若非神光

外見心光內通一切聖賢不能成就是故我等咸悟元始所說大法役運神變開導天人

來者有如細雨密霽无鞅之眾迺國一半土皆偏陷非可禁止於是元始懸一寶珠大如

黍米在空玄之中去地五丈元始登引天真大神上聖高尊妙行真人十方無極赤符丹

光至真大神無鞅數眾俱入寶珠之中天人仰看惟見勃勃從珠口中入既入珠口不知

所在國人靡散地還平正無復敵陷元始即於寶珠之內說經都竟眾真監度以授於我

當此之時喜慶難言法事粗悉諸天復位條款之間寂無道響是時天人遇值經法普得

濟度全其本年無有中傷傾土歸仰咸行道

心洞見洞識洞妙洞和洞悟洞徹洞照洞微洞明洞鑿言符至理默契玄機齊同慈愛異骨成親國安民豐欣樂太平經始出教一國以道預有至心宗奉禮敬皆得度世

道言元始天尊說經中所言並是諸天上帝

內名隱韻之音亦是真王內諱百靈之隱名也開示大法造立天地內生人物外成混沌赤符應合丹光纏綿元氣烹煎真火化鍊以成三界立萬天爾能體之自然得道非世之常辭上聖已成真人通玄究微能悉其事

誦之十過諸天遙唱萬帝設禮河海靜默山嶽藏雲絳煙布逸霄光巨玄心符內充丹寶外應群魔束形鬼精滅爽回屍起死白骨成人至學之士誦之十過則五帝侍衛三界稽首紫輝遐映神晶注盈妙開元造神泊其間

魔精喪眼鬼祓滅爽濟度垂死絕而得生所以爾者學士穢氣未消赤符陰隱丹光內潛體未洞真以制十方威未制天政德可伏御地祇束縛魔靈但却死而已不能更生輕誦此章身則被殃供養尊禮門戶興隆世世昌

熾與善因緣萬災不干神明護門斯經專妙獨步玉京度人无量為萬道之宗魏魏大範德難可勝

道言凡誦是經十過諸天齊到赤符度生丹

光啓幽億曾萬祖幽魂苦爽皆即受度上升朱宮格皆九年受化更生得為貴人而好學至經功滿德就皆得神仙飛升金闕遊宴玉京也上學之士修誦是經神契赤符道融丹光皆即受度飛升南宮世人受誦則延壽長年丹亦之華注澤屍腐骨剛氣真後皆得作

屍解之道魂神暫滅不經地獄即得返形遊行太空此經微妙普度無窮一切天人莫不度慶無量之福生死蒙惠上天所寶不傳下世至士齋金寶效心盟天而傳輕泄漏慢殃及九祖長役鬼官侍經五帝玉童玉女各二

十四人營衛神文保護受經者身道言正月長齋誦誦是經赤符召和丹光運明三元錫契萬象蒙生為上世亡魂斷地逮役度上南宮七月長齋誦誦是經赤符召陰丹光育精四明奏功五老奉經身得神仙諸

天書名黃錄白簡削死上生十月長齋誦誦是經赤符召陽丹光用章九宮合氣玉女跪漿為國王帝主君臣父子安鎮國祚保天長存世世不絕常為人君安鎮其方民稱太平八節之日誦誦是經赤符周建丹光流行八

景合體六司令真得為九宮真人本命之日誦誦是經赤符召神丹光繞身魂神澄正萬氣長存不經苦惱身有光明三界侍衛五帝司迎萬神朝禮名書上天功滿德就飛昇上清

道言行道之日皆當香湯沐浴齋戒入室東向叩齒三十二通上闢三十二天心拜三十二過閉目靜思身坐青黃白三色雲氣之中內外蒼冥有青龍白虎朱雀玄武獅子白鶴羅列左右日月照明洞煥室內

項生圖象光映十方如此分明密呪曰无上玄元太上道君召出臣身中三五功曹左右官使者侍香玉童傳言玉女五帝直符直日香官各三十六人關啓所言今日吉慶長齋清堂修行至經无量度人願所啓上徹

徑御

元上三十二天元始上帝至尊几前畢

引卷三十二過東向誦經

元始无量度人上品妙經

元始洞玄靈寶本章赤符丹光上品妙首明

識度人龍康廣運關化因緣大洞隱章虛舍

至真太无三一流結諸天碧落敷明高峙天

根大經離合萬境分神赤符帝氣丹光上靈

恢張玄範洪歷冥冥六風交煥空象告成玉

文肇啓天道流行是爲元造蒼混飛煙太霄

鬱單玄丘景仙茫茫正化皇極推遷瓊羅審

伊至妙靈圓三周九復包絡綿綿億天群品

歸真玉垣正行遊梵過度生關中有赤明校

錄之神中有玉符攝氣之真中有大丹流焰

之君中有炎光開化丈人中有太一八纏黃

庭鳳紐混合大洞高尊統御玄變清都化身

金篇清魔廣大飛輪三十九帝廓開八門令

日敷教萬真臨軒

東方无極寶生神王長生大聖无量度人

南方无極洞浮神王長生大聖无量度人

西方无極耀明神王長生大聖无量度人

北方无極太一神王長生大聖无量度人

東北无極保安神王長生大聖无量度人

東南无極持化神王長生大聖无量度人

西南无極玉靈神王長生大聖无量度人

西北无極飛霞神王長生大聖无量度人

上方无極大變神王長生大聖无量度人

下方无極冲厚神王長生大聖无量度人

十方赤符丹光神王至真度世飛天大神並

乘三華絳霄流雲鳳輿瓊輦天蓋地輪驂駕

朱光玉角神獸蒼鱗火鬣蛟龍建招真之節

告靈大幡前列玉虛寶仗後從三元化兵洞

神九仙飛空步虛四帥啓塗三師告盟億乘

萬騎浮空而來傾光回駕監真度生赤符經

天三界同生丹光六飛萬物洪施心知目見

神動意隨天人仰法至化同歸大象流布洞

虛極玄方諸符召超登九天九天上宰元黃

左宮流雲司命保世大神執籙持符同會帝

庭隨所應度天化浮沉普告三界八極雲營

崐崙瑤闕廣野寒局五方玄獄四極真公九

元大憲化見玉文疾除故氣清正生根不得

拘留上合仙真赤符丹光時刻飛升北都六

洞普救幽魂制魔保舉度品朱陵死魂受鍊

仙化成人身受度劫劫長存隨劫輪轉與

天齊年未度風刀水火之難超凌三界逍遙

上清上清之天天帝朱明無色之境梵行

東方八天

靜都勤明天

昌郊九華天

符應智靈天

灼燮丹神天

蒼京寶風天

聖基密照天

導靈秀移想天

高靈符惠生天

南方八天

陽光化生天

九宮明耀天

帝妙術具傍

帝卿靈尹登

帝曉虛妙常

帝遘氣圖生

帝化招境形

帝鑒真定微

帝縛奔囊孤

帝并虛歷維

帝景中帷寧

帝闕淵求方

丹霄注靈天	帝赫爰胥延
曲晨紫真天	帝護斗召仙
太微靈應精天	帝直波夷倫
光慧洞無天	帝剛過擇躬
寂意思玄天	帝保玉令脩
洞玄龍捷雲天	帝飛圓曜隨
西方八天	帝按涂知元
瑤府定民天	帝戒無象虛
寒庭對兵天	帝慈流升
司覆爾世天	帝閔初顯非
真功定籍天	帝樞牢勝當
太素棲綽網天	帝釋達用義
內池華優慶天	帝洞仙常師
簡微祖智變天	帝山英謝方
主靈度仙超化天	
北方八天	帝變龍擲旌
梵樂錄魔天	帝志明淵符
靈靈靈靈靈天	帝南昭叢希
玄明玄期靜光天	帝優頻景珠
五氣齊符鍊神天	

張育行真天 帝約生辨珠  
 龍委命仙天 帝屈空冥神  
 朱明合氣天 帝極監盟真  
 靈樞氣總陰天 帝主羅察冥

三十二天三十二帝諸天隱諱諸天隱名天  
 中空洞自然靈章諸天隱韻天中之音天中  
 之尊天中之神天中大魔天中之靈九奇十  
 耦和合自成赤符丹光變化上清无量之奧  
 深不可詳敷落神真普度天人今日欣慶受  
 度大化開生感變幽關大會神靈請滅三惡  
 斬絕地根斷胞閉死名列太玄真王監舉無  
 拘天門東斗執契西斗召仙北斗奏簡南斗  
 列言中斗坐鎮運轉元關帝魁玉籙洞鑿冥  
 無天真玄一五斗之符下元化氣太劫丹書  
 青帝施令白帝禦敵赤帝正憲黑帝建立黃  
 帝中主變化無極惟符所指陰陽乃宣吉凶  
 示象善惡相連青天魔王金晶鬱羅赤天魔  
 王明耀絳霞白天魔王金真保華黑天魔王  
 鼓化玄波黃天魔王安鎮崇阿五天大魔萬  
 神之宗飛行鼓從總領天兵持幢仗節遊觀

太冥自號赫弈諸天齊功上天度人嚴攝北  
 鄩真王受命普掃不祥三元降詔大憲恢張  
 飛符攝御清蕩十方定界無邊風火八衝敢  
 有抗拒糾送鄩宮元真振劔天曜施刑屠戮  
 邪魁收捕無停千千斬馘萬萬滅形魔無干  
 試鬼無祇精太陰北都按察鬼管不得息縱  
 飛章奏呈普告三官正道流行考功定籍書  
 名紫清玄曜大劫寶曆龍康洪運周流纏結  
 陰陽一氣交絡開隆上皇飛生玉音廣布十  
 方丹華升降輪轉剛風眇眇億氣赤混玄宮  
 上周圍曜下變重淵風動八冥洪極成天赤  
 符化鍊丹光發煙天上天下輝朗幽冥肇形  
 虛象廣大無窮鴻濛溟溟豁舒光太真啓  
 圖運度自然朱陵敷演徊風上篇碧簡金章  
 玉籙瑤編保安天地承劫綿梵炁彌羅萬  
 範開張丹光成立三境諸天輪轉崑丘包羅  
 億千元老下教普度群仙三天三地灌氣三  
 垣八景玉羅氣入高玄玄中至真丹霄上卿  
 佩天瓊文校錄稱尊合景飛霞軌詠洞經金  
 華流彩普攝雲營玉章大誥鳳簡龍書徊天

隱道接闕元圖千和萬合自然成真真中有  
神東華天君方諸帝一太素千精玄光保命  
混洞延生赤符丹籙永鎮玄根上遊清微出  
入洞虛魏天關列聖之居下降種民升舉  
清都中理太極混合空无十轉回靈萬景向  
升仙道貴生无量度人上開八門經天法輪  
罪福禁戒宿命因緣普受錄度死魂生身身  
得受生上聞諸天諸天之上各有生門中有  
混天開劫之章仙聖靈篇辭象高真

第一混極飛仙赤符之音

太虛元始 生成天地 空極杳冥  
肇于一炁 廣大無邊 化生真帝  
上居玉京 三界統制 威錫威靈  
不問巨細 周流合變 成此大器  
赤書數落 靈仙交會 五山安鎮  
玄嶽高峙 崑崙闢風 黃老為治  
虛皇憫眾生 開演玄妙義 洞章攝魔群  
億天蒙大庇

第二玄變真君丹光之章

嚴嚴大有宮 萬靈朝上皇 三氣包不虛

飛霞結元綱 上開廣瓊室 下布流景房  
三垣懸帝座 赤文羅五方 內陳玉極真  
保此大經常 空生纏地紐 冥冥度龍康  
真王馭天馬 寶關舒丹光 天運啓玄圖  
玉道發嘉祥 元君乘化氣 神變不可量  
俯觀三界民 欲海徒茫茫 披誦洞玄篇  
起升太福堂

第三赤符丹光真王歌曰

碧霞鬱合 飛臺玉京  
下臨太清 靈臺玉京  
九龍大劫 生育神靈 妙氣交合  
變化天根 赤文列聖 丹光上真  
三十九帝 與道同生 持握天憲  
空洞皇君 校錄飛天 騁駕龍驎  
周遊三界 正道開明 威光下濟  
照徹重昏 清蕩北鄰 普救幽魂  
萬類通達 十方蒙恩

此三界之上飛空之中真王歌音音參洞章  
誦之百遍名度南宮誦之千遍真王保迎萬  
通道備飛升太空過度三界位登仙公有聞

靈音魔王敬形救制地祇侍衛送迎拔出地  
戶五苦八難七祖升遷未離鬼官魂度朱陵  
受錄更生是謂无量普度无窮有松上天文  
諸天共所崇泐慢墮地獄禍及七祖翁  
道言此二章並是諸天上帝及至靈真王隱

松之音皆是大梵之言非世上常辭言無韻  
麗曲無華宛故謂玄典難可尋詳上天所寶  
秘於神霄玉府東藏經室依科三萬七千年  
應運下傳若有至人齋金寶質心依舊格告  
盟真王然後而付焉

道言夫赤符道逆丹光內隱則二儀失序五  
行數廢故天地運度否終日月五星虧盈至  
聖神人休否末學之夫疾傷凡有此災向氣  
皆當齊心修齋六時行香十遍轉經福德立  
降消諸不祥無量之文普度無窮

道言夫末學道淺或仙品未克運應滅度身  
經太陰臨過之時同學至人為其行香誦經  
十過以度屍形如法則亦符照心丹光遠形  
不與物化神凝氣清魂神徑上南宮隨其學  
功計日而得更生轉輪不感便得神仙

道言夫天地運終星宿錯度日月失輝四時失度陰陽不調國土有災兵革四興疫毒流行兆民死傷師友命適良善橫殃皆當修齋行香誦經夫齋戒誦經功德甚重上消天災保鎮帝王下禳毒害以度兆民生死受賴其福難勝故曰无量善度天人

道言凡有是經能為天地帝主兆民行是功德有災之日發心修齋燒香誦經十過皆諸天記名萬神侍衛右別至人克得為聖君金闕之臣諸天記人功過毫分無失天中真王亦係舉爾身得道者乃當洞明至言也

諸天中大梵隱語无量音 道君謨  
元始靈書亦符升光玉篇

- 東方八天
- 弗黎竟桑 後道輔瑞 庚福真神
  - 揚騎時房 充枚郁滄 周勤瓜梁
  - 越賢傳野 畢容治光 按披曜師
  - 維普鄭康 靜學原蔽 密都朱堂
  - 參據角首 宵奇億章 絡昔魔靈
  - 聚秀東疆

南方八天

- 赤符三氣 火山炎精 照煥潛蟄
- 幽離浮瓊 定顯妙樞 紀錫幾冥
- 善放逸修 豫盈司奔 嶽迭命召
- 魂林繁騰 無鐸演廬 盤河哲承
- 綿度令高 慈允并艱 肆除獻寧
- 太霞資明

西方八天

- 碧壘濟佑 浮空景涯 神策飛籙
- 早馳玄華 奎芒皇隸 祿員禹瑤
- 遵善既邈 閉延投鬼 良茲印宙
- 玉微化伸 吳素格略 利淵開仁
- 掌紀綠釋 湊智遠京 抱月綠霞
- 詠此至齋

北方八天

- 衡園太始 芒露激虛 向陀支云
- 拒傲箕無 正鄰投黃 聚沖攸靈
- 欲蘇踐荒 祥寶觀真 鬼由宇察
- 玄屍香丁 沖照日圍 評霞嶽凌
- 氣膺逃宏 沼領綿謨 彫梗雲昆

總靜邊泉

道言此諸天中大梵隱語无量之音舊文刻書絳臺瓊華妙靈玉丸丹壙廣闕之上字皆廣長一丈天真皇人昔書其文以為正音有知其音能齋而誦之者諸天皆遣赤符丹光神王下觀其書其功勤上奏諸天萬神朝禮地祇侍門大功魔王保舉上真道備克得遊行三界升入金門此音無所不辟無所不獲無所不度無所不成天真自然之音也故誦之致赤符告靈一呼萬應丹光回照百理千通密授紫書上為真宰神王下觀上帝遙唱萬神朝禮三界侍軒群杖束首鬼精自亡琳琅振響十方肅清河海靜默山嶽吞煙萬靈振伏招集群仙天無氛穢地無杖塵冥憲洞清大量玄玄也

元始无量度人上品妙經卷之二十五